

E malesa di Alzheimer, Demencia typo Alzheimer

Kiko ta e malesa di Alzheimer?

E malesa di Alzheimer ta un malesa di cerebro cu ta incurabel y den cual cel nan den diferente parti di e cerebro ta stop di funshona y a degenera. Esaki ta e causa e demencia. E malesa aki a wordo nombra na e dokter Aleman Alois Alzheimer cu den comienso di siglo 20 a descubri cambionan den e cerebro di persona cu e fayece cu demencia.

E malesa di Alzheimer ta incurabel y progresivo. Aunque tin hopi research hasi riba diferente aspecto di e malesa aki ainda e causa exacto y un tratamiento completo no ta conoci. Algun symptoma ta cu e persona ta lubida, cambio den personalidad, desorientashon, dificultad cu exporeshon verbal / uso di idioma. E syndroma di demencia no ta causa directamente cu un persona ta fallece, pero indirectamente si esaki ta e caso. Dor di e danjo progresivo den e cerebro ta bai experiencia kada biaha mas problema den e funshonamento tambe di e diferente órgano nan. Esaki lo por conduci cu e persona ta fallece.

Mundialmente pero tambe na Aruba ta wordo papia di un aumento di e cantidad di persona cu ta envehece. E grupo aki tin mas riesgo pa desaroya malesa crónico manera e syndroma di demencia. Un percentahe di 70 % di e grupo cu tin demencia tin e demencia tipo Alzheimer. Hopi biaha esaki ta cuminsa cu problema chikito di memoria, e persona ta bira menos activo y por ripara cu e ta reacciona menos liher. E dificultad nan aki ta hopi parecido cu e dificultadnan cu por experiencia dor di e envehecimento normal. Un diferencia grandi ta cu e problemanan relaciona na un demencia ta progresivo y ta aumenta den intensidad.

Diferenta fase di demencia

E malesa ta dura mas of menos 7 anja desde cu tin un diagnosis, esaki ta un promedio. E manera cu e malesa ta desaroya cu diferente pa kada persona, pa un persona esaki por ta 2 anja y pa otro por ta 15 anja. Aunke e malesa ta pa kada persona diferente por distingui 3 fase den e malesa aki.

E prome fase: problema cognitivo

Lubidamento, desorientashon, cambio den personalidad y un cambio den e velocidad cu ta reacciona ta mayoría biaha e prome señal di un malesa Alzheimer. Hopi biaha e persona ta manera sin smak, menos spontaneo y ta slow den mantene informashon nobo. Den e fase aki e persona ta capaz di funciona independiente sigur na momento cu ta trata di abilidadnan mas simpel. Pero mayoría biaha nan mester toch di sierto guía verbal. Por ripara cu e expresashon verbal ta bira menos. Hopi biaha e persona mes na trata di camufla e dificultadnan aki. Pa nan mes por ta un iritashon of sufrimento pa experiencia cu tin dificultad.

E di dos fase

E dificultadnan ta visibel y por nota durante e funshonamento cu e persona ta experiencia problema. E memoria pa informashon recién ta hopi afecto siendo cu e memoria pa informashon di e pasado ta basta bon manteni ainda.

E di tres fase

Durante e ultimo fase aki e malesa a bai cu parti grandi di e personalidad y capacidad di e patient. Pa e por sobrevivi e persona mester cuida durante henter e dia. Banda di e symptoma nan cognitivo awor tin tambe hopi problema fisico, por ehempel incontancia, dificultad pa mobilisa, dificultad pa kauw y guli, e persona tin mas riesgo pa pulmonía y otro infecshon, e halamento di rosea ta duna dificultad esaki voral cerca persona cu ta riba cama henter dia. Inevitablemente esaki nan tur ta conduci na e fase final di e persona su bida, caminda cuida palliativo ta necesario.